

346 Unde vrâgte in, wes er wânde,
 warumbe er sich sinnes ânde.
 si sprach hin zim: »wæret ir sô alt,
 daz under schilde wære bezalt
 5 in werdeclichen stunden
 mit helm ûf houbet gebunden
 gein herteclichen vâren
 iwer tage in vûnf jâren,
 daz ir den prîs dâ hetet genomen,
 10 unt wæret ir danne wider komen,
 ze mînem gebote gewesen dâ,
 spræche ich denne alrêste jâ,
 des iwer wille gerte,
 al ze vruo ich iuch gewerte.
 15 Ir sît mir liep, wer lougent des,
 als Annoren Galoes,
 diu sît den tût durch in erkôs,
 dô si in von einer tjost verlôs.«
 »ungern ich«, sprach er, »vrouwe,
 20 iuch sô bî liebe schouwe,
 daz iwer zûrnen ûf mich gêt.
 gnâde doch bîme dienste stêt,
 swer triwe rehte mezzen wil.
 vrouwe, des ist iu gar ze vil,
 25 daz ir mînen sin sus smâhet.
 ir habt iuch gar vergâhet.
 ich möhte doch des genozzen hân,
 daz iwer vater ist mîn man
 unt daz er hât von mîner hant
 30 manege burc unt al sîn lant.«

sich *om.* **T* (*nur T*)

daz iu u. **T* (*nur T*)

an werdeclicher (werdeclichen *V*) st. **T*

i. t. (tât **T*) gein v. j., **G* (**T*) (*nur T*)

hetir den pr. al dâ g., **T* (*nur T*)

wider k. **T*

in m. **G* unde in m. **T*

sam A. G., **G* · als Anfolen (amoren *V*) G., **T*

tôt nâch im (*om. T*) e., **T* (*ohne V*) (*O L Z*)

dô sin an e. **G* **T*

ich *om.* **T* *O*

iuwer zorn ûf **T* *I*

bî dienste **G* (*nur GIO*) **T*

vr., es ist (ist ez *I* ez ist *T*) **G* **T*

ich m. des d. g. hân, **T* (*nur T*)

**D*: *D* **m*: *m* **G*: *G I O L Z Fr22* (346.1–2) **T*: *T* (*ohne* 346.16) *V*

1 *Initiale D L Z Fr22* **3** *Initiale G O T* **15** *Initiale I · Majuskel D* **19** *Majuskel T*

19 ich] *om.* **m* **24** des] es **m* **27** möhte] mohte *D*